



四庫全書存目叢書編纂委員會編

齊魯書社

四庫全書存目叢書

經部  
第一五八冊

責任編輯：孫言誠 賀 偉

ISBN 7-5333-0580-9



9 787533 305802 >

## 四庫全書存目叢書·經部一五八

(大陸版 限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 44.75 印張

1997 年 3 月第 1 版 1997 年 3 月第 1 次印刷

印數 1--100

ISBN 7 5333 0580 9

Z·55 經部定價：66000 圓

# 經部第一五八冊目次

## 經部·四書類

重訂四書疑問十一卷

〔明〕姚舜牧撰  
北京大學圖書館藏明萬曆六經堂刻本

經籍異同三卷

〔明〕陳禹謨撰  
上海圖書館藏明萬曆刻本

經言枝指九十九卷（一）

〔明〕陳禹謨撰  
中國科學院圖書館藏明萬曆刻本

二八八

三五三

重訂四書疑問十一卷

〔明〕姚舜牧撰

北京大學圖書館藏明萬曆六經堂刻本

附《四庫全書總目·四書疑問  
十一卷》提要

四書疑問序

大道如日中天，聖賢會講，義理發  
之，語路結為天下萬世訓，少可  
而疑，而又何所事，問以收初，無乞  
彈竊探，在生敢，賴生疑，致向啟  
序  
三六三喋喋，哉，聖大學始於此，中  
痛卒於知微，二於極於知命，七  
篇終于見之，提擲聖賢，覺之，以恐人  
不知準的，而固適於道者，收初，存  
以訓潛討，聖具，多年，每誦讀，問一


可疑則疑之心不釋也能置而向伴  
 於賢之馬耳哉況以疑向於疑於  
 聖賢之理如物於訓詁傳注可  
 少未融之聖賢之旨者也尤疑於  
 諸解諸家穿鑿附會又加一慧  
 序  
 馬而不疑見聖賢之心者也思昔  
 儒哲皓首窮經為訓詁為傳注  
 注為繼往開來計厥功為何鮮矣  
 豈識于其間然則一為之論終與  
 衆衆稍別且于慮一以爲分中

不覺一以爲害者以辭害意  
 斯亦無傷也唯若生學究物執  
 訓詁字不可破即其解之其辭  
 必穿鑿以求其附會以求其合則其  
 必有其理且其傳注大相矛盾矣  
 序  
 斯豈學之致疑者不無二向以求其  
 哉倘因斯疑斯向而得者什多乎大  
 儒者之訂正其見聖賢之本旨而先  
 儒者之是豈不勝千古一大快哉  
 此收不自揣量而敢為疑可為

往來世之高明者乃自主志見輒  
 取傳註刪口馬而又或援二氏之書  
 陳合聖賢之理而伯會穿鑿不少  
 庶幾其以空虛世之宜員哉聖賢之  
 本本原也則諸講解本之支原之委  
 也則諸本乃講解少微而支之故焉委  
 之別焉釋之類如之何也取之氏者  
 其非支非委矣附於聖賢之本本則  
 非獨有有於講解有有於何故將備  
 聖賢之理而取闕世者不小矣斯

聖賢世所宜有對其亦不先傳則  
 諸馬之矣聖賢則伯而老生講解  
 焉而矣矣之致疑後而趣焉主委  
 是者之終之哉前嘗自思曰牧之  
 類而形亦真也如真也如因是而  
 外之喋喋真是也必又真也反蒙  
 蔽是之牧之罪也矣而之類焉闕  
 而勿同也語之類思問又云多矣闕  
 素不其素以哉  
 若而而歲次辛卯訪陽日烏程後

學苑薈芳



聖賢殿內十不名原在六因今在東宮舊作五在因係九年  
 十二月二十日撤而革也徐氏以爲明年幸行此是舊原  
 似能帳張家去難而偶同一二案殆不遠當時之筆也西原  
 序述夢見去主且雕一和印曰夢受於忘印則怪焉  
 按矣封面四字作公去並刻板或是篆家補字其  
 上原亦有去字印了方生後有潮人爲雕此夢印  
 耶一字此亦爲徐氏家印未耶不其爲無改刻金主而  
 獨字封面之理此經請向誰問之十年六月十九日時銘記  
 于撤而革堂

重訂四書疑問序



萬曆己丑庚寅間牧著四書疑問請  
正海內大方嗣著五經疑問壬寅癸  
卯又著四書疑問補其文可謂略備  
矣而有懷耿耿未嘗忘諸念也乃歲

重訂序

癸丑九月十六夜忽夢見吾夫子與  
求玉印一觀夫子出玉五六片眎牧  
牧捧之駭然因視其文一、轅正之  
遂成一印厚可五分方可三寸許因  
懇而請曰何不以金鑲之可垂永久



夫子莞爾而笑曰吾今正有此意因  
升一高殿中殿去地二尺許座設儼  
然牧肅拜于下夫子亦答拜於座右  
視其髮特焦黃可異焉覺因思之此  
夢何為乎來哉豈以牧嘗著經書疑

重訂序

二

問蚤夜以思務求印正夫子之心故  
形之夢寐若爾耶然所眎玉印何以  
五六片也意者道本一致無柰諸後  
學支分改解割裂破碎故有然耶若  
然則牧之疑問言皆求中理必歸一

或稍有見焉未可知也於是復取四  
書疑問研精極力以思之由博而反  
之約考異以求其同務期至當以見  
夫子之心中庸昔有總論大學闕如  
於是復深思著一篇以成之爰授之  
梓以正海內大方

重訂序

三

今海內賢杰雲蒸霧湧豈無留心斯  
義者乎或因所疑所問為可以庶幾  
也盡黜其意見之私不過為穿鑿不  
曲加附會掇取其五六割裂者必求

其一致之理得一致之理而金相玉  
質以會見印文之全由印文之全以  
仰承今正有此意之意則夫子隱然  
在天之靈庶其可大慰乎而牧之大  
夢可以自覺也已矣斯固斯世斯文  
之大幸也牧竊日惓々以致望焉  
萬曆歲在丁巳孟夏之吉烏程後學  
姚舜牧書於六經堂中



重訂四書疑問卷之一

烏程後學承菴姚舜牧著

大學之道章

大學者大人之學也吾儒纔向學便要為聖賢為帝  
王方是大人之學道是大人之學所當盡者明德者  
天所賦於我之本體明明德者不虧其本體之謂也  
民與我同胞親民者聯之為一體之謂也然此个明  
與親有善之極至處學為大人者當求止於是而不  
遷故提說三在字其實只一事明明德耳矣明明德  
須親民乃完全須止於至善乃極妙譬如對人說須  
自成立須致君澤民須做到盡底頭好處語雖諄復  
總之教以自成立而已觀下文欲明明德於天下語  
可見纔說明明德便要親民便要止於至善是至善  
之所在大人之止也不知止何以定靜安慮而能得  
故聖人復拈出一知字以示人知止之所在志便不  
他往而有定則心體凝一更無搖惑而能靜靜則  
心體順適更無艱危而能安安則心體精明更無周  
章而能慮慮則明與親渾全本體之至善而無不得  
矣知止是頭腦能得是究竟定靜安慮有次第無工  
夫經文云云是從中細點出妙處耳合上看來已與

民是一物然必由己以及民便有个本末明與親是一事然必自明以親民便有个終始入大學者能於此間知所先後而用功之不紊乃為明德親民止至善故與其近道此道字正應前道字古之欲明明德於天下以下是舉大人之已試者以立極不曰平天下曰明明德於天下正見此个明德已與天下所共有的必親得天下之民始盡得明明德分內事而其間先後之節次又一一有不可紊者故詳說平治齊脩正誠致格等件治者勿使其紊亂也齊者勿使其參差也總是明明德於國與家脩者勿使其損壞也

重訂四書疑問卷之一

二

正者勿使其回邪也誠者勿使其虛偽也致者勿使其虧欠也格則明辨之之謂總是明明德於己此數先字正文知所先字知所先而實用其功則知至意誠心正身脩家齊國治天下平一以貫之故覆說一下而結局在脩身上且說自天子以至於庶人壹是皆以脩身為本見得此大人之學不獨帝王當務之急凡有家國天下之責者皆當有事焉而皆本其身以為之使一不正其本末未有能歸於治者何者其本亂則其所厚者必薄而欲望其所薄者厚未之有也此所厚即指家國天下說要本脩身來知得

本誠在身則欲明明德於天下者斷須自格致誠正始所謂知所先後則近道矣者非虛語也此一章書夫子為天地立心為生民立命為往聖繼絕學為萬世開太平聖之所以聖賢之所以賢帝王之所以帝王皆由於此不由此道便不是大人而不知本之在身便不能入大學之道首說明明德而歸宿於止至善後說明明德於天下而根柢於脩身真是究極要領之論

重訂四書疑問卷之一

三

經首言大學之道則近道矣後言道學也道盛德至善是以君子有絜矩之道也道得衆則得國道善則得之是故君子有大道生財有大道皆是此箇道字經言在明明德古之欲明明德於天下者後言克明德克明峻德道盛德至善德潤身是故君子先慎乎德德者本也皆是此箇德字經言在親民後言君子賢其賢而親其親小人樂其樂而利其利仁親以為寶皆是此箇親字經言物有本末壹是皆以脩身為本其本亂而未治者否矣後言此謂知本德者本也外本內末皆是此箇本字要曉得

明德者何此心之靈明也明德止着一明字只復却靈明之本體不曾加上分毫也天地萬物本吾一體

親民原是明德內事所謂至善者亦不是於分外加增要好之說繼之者善成之者性心體中原有天理精微之極在止之云者知至至之適復却本體之故耳故究論之只一明明德便完了而聖經三着个在字叮寧者提醒世人語不得不致其喫緊耳

親民之親當作新是也自愚論之端的是个親字書曰克明峻德以親九族平章百姓協和萬邦平章協和總完得一親字又曰百姓不親五品不遜孟子曰親親而仁民小民親於下皆是此意即此篇亦云欲明明德於天下在治其國在齊其家治與齊孰非所重

重訂四書疑問卷之一

四

以親之哉親之則視為一體而凡所以經綸料理者無所不至故至誠能盡其性便能盡人之性後章說君子賢其賢而親其親就說小人樂其樂而利其利說仁親以為寶就說以能保我子孫黎民古之人視天下國家何嘗有二哉觀樂只君子民之父母尤可見得先儒但見日新作新新命數新字改親作新不知新之正所以親之也且新民章承皆自明也正解欲明明德於天下是一氣語章分句解乃後儒之大學非孔門當時之大學也

大人之學齊家治國平天下保我子孫黎民總只完

得明明德事故聖賢並不分作二項細讀傳義聯如貫珠初無分截自可見得

知止一節是徹上徹下語然此間只點醒世人令從此入門耳定靜安慮不是坐空室中不懂不擾怡然默然之謂大人明明德親民身心性情家國天下那一件不經營料理唯不知止便感於他岐膠膠擾擾兢兢危危營營苟苟胥失其當耳一知止則於身心性情家國天下日有酬酢應感總之無他向無妄動無作輟無嘗試漫為事事皆得其止是知止能得之說也若只坐空室中便是禪家虛寂之談要分曉

重訂四書疑問卷之一

五

知的人然後可與言道不知的人昏昏懵懵不知身心性情為何物家國天下為何物如何可望其明親以止至善哉故此揭知止二字是聖門提醒人第一義有定有字對無字看有定者實有是定更無妄念故承一靜字較常自得故承一安字思無不通故承一慮字行無不宜故承一得字學者細玩一有字三能字則知知止之為喫緊矣

物與事離不得纔說物便有事故下文單說个格物推到壹是皆以脩身為本並不提事字而事之終始自在其中

物只是「一件事」只是一件云本末終始者正見此一物也此「一事」也但要於中知所先後耳知所先後不是知所先知所後只要知本與始之當先知本始而先務之本自舉終自成矣觀下文先後字面可見曰物有本末事便有箇終始曰事有終始便當知所先後矣故下緊承說欲明明德於天下數句歸到先脩其身一句而詳其所以脩身者因覆說格致誠正以脩身而家而國而天下自然各就其理因總說自天子以至於庶人壹是皆以脩身為本總只明得箇物有本末事有終始教人知所先後以近道意故後章訂四書疑問卷之一

章云此謂知本又云德者本也於此等處理會得真然後可以語大學

天下廣矣其人衆且賸矣豈無蠢而頑者如何能明明德於天下然觀二典所陳黎民於變時雍即有苗之冥頑亦自可感化得乃知此言之不虛下也孟子曰人人親其親長其長而天下平人人之親長人人所可自致者便知明德可明於天下

天下原有無偏無頗的道理在故下一平字國原有整肅不亂的道理在故下一治字家原有內外斬然不勞的道理在故下一齊字身原完完全全無損無

壞纔一損壞便當脩故下一脩字心是一身之主端然天君故下一正字意是此心天理之發動處本誠無偽纔偽便非本意了故下一誠字知是此心之天聰明本自無不明徹者只緣氣拘物蔽不能推極其本體故下一致字物即物有本末之物萬物皆備於我中間條件節目甚多須一一品理而明晰故於致知特下在格物三字後章云此謂知本此謂知之至也照說此一段極明白

知者此心之靈明也此心之靈明何所不徹只緣人自蔽塞不通曉所以昏昏懵懵不能了却性分內事重訂四書疑問卷之一

聖經首提知止二字又說知所先後又說先致其知致知在格物物格而後知至知至而後意誠一篇之中三致意焉然甚喫緊

格物之物字非他即上文物有本末之物字也物該身心性情家國天下皆大人所當究心者而其中一精微處如品格然不可不一分曉也致知者不於此處討分曉顛倒錯亂不可勝言故致知工夫只在舉此物而一一品格之討求个分曉曉得此宜如何做彼宜如何做洞洞徹徹自下及上由本及末無纖微毫髮之疑則所發念處必誠而不欺所存主處

必正而無邪所踐履處必脩而不壞以刑於家必齊而不焚以施諸國必治而不亂以及於天下必平而不頗知所先後則近道矣正於此處大得力故下緊接云物格而後知至知至而後意誠云云後章云此謂知本此謂知之至也

致知致字是下工夫字眼致之即至矣故下文即換箇至字

詳觀此一篇書分明是堯典一篇堯典說親睦九族平章百姓黎民於變時雍可謂至矣盡矣乃其起語云欽明文思安安允恭克讓則其本固自有在也故重訂中書疑問卷之一

說古之欲明明德於天下者蓋以堯舜所已試者立萬世大學之極也

所厚者薄厚字不主家說此二句緊頂其本亂說來夫子意若曰本末猶厚薄也人必躬必厚而後可及於薄若於其所厚者薄而欲其所薄者厚其可得乎此其本必不可亂而凡入大學者必當以修身為先務也

### 康誥曰五章

纘明已德便當明明德於天下故皆自明也下接日新又新三條欲明明德於天下便當止於至善故君

子無所不用其極下接邦畿千里惟民所止數條道盛德至善便可感動斯民得故沒世不忘下接聽訟吾猶人也二條細玩此謂知本此謂知之至也分明結得明明德一事而親民止至善自在其中語意極貫串血脉極聯絡斷不宜章分句解

### 康誥曰克明德章

聖經說古之欲明明德於天下者故傳者即以古之明明德及明明德於天下者申釋之康誥太甲帝典或止言德或推言天之明命或極言峻德總只是此明德克明顧諟總只明此明德耳皆自明也自字極重訂中書疑問卷之一

喫緊德是自己的德明明德是自己的事自古聖帝明王皆只於自己身心上用功便一了百了中庸云唯天下至誠為能盡其性論語云脩己以安百姓孟子云君子之守脩其身而天下平皆是此意

明命只在吾心體中念念不忘事事求合便是顧諟天之明命

### 湯之盤銘曰章

此正所謂明明德於天下者所引詩書非新民之本之事之效之說聖賢道理爛熟於胸中出入六經斷章抽取一詞頭頭是道而言自有次第如此章首引

盤銘說湯之能洗濯曰新次引康誥說武之能振作曰新又次引周詩說文之能受命曰新總之皆說是自新新民之極所以下緊承說是故君子無所不用其極此个極字作至字解是活字不是死字傳者責成後之親民者若曰必如湯如文如武不可不用其至耳

苟字有介然有覺之意又字有毅然有守之意人之習染障蔽非一旦頓然覺悟不能自新然不乘此自新而日日加新不能常新故首下个苟字隨下个日日字又字

章訂四書集問卷之一  
詩云邦畿千里章

邦畿節言物各有當止之處不待發揮而自明緡蠻節言人當知所當止之處引孔子說詩之詞其意始惕發穆穆節舉聖人之止無非止善者以立止善之極止仁止敬等語不是說仁敬等是至善而聖人止之也論為君此心便有个仁到十分滿足地位方是至善論為臣此心便有个敬到十分滿足地位方是至善此心體所自有者止之云者心體上本合如此聖人恰好如此無些子缺欠不到處云爾究竟皆本此心之敬來故詩稱於緡熙敬止此敬字不可

輕放過淇澳二詩聖賢但說个明明德而親民自在其中此說道盛德至善民之不能忘也下緊引前王不忘之詩末復緊收此以沒世不忘也一句分明下一節申上盛德至善民不能忘之意親賢樂利非盛德至善何以有此凡讀聖賢書於其血脉流貫處正當融會其語意勿先立个主意分截敢正之高明

道學自脩恂慄威儀俱二字成文決該作二字解言以道為學也解道作言也便不是

聖學始終一於敬匪敬未有能止至善者故首提敬止二字下著恂慄二字誠意章云必慎其獨平天下

章訂四書集問卷之一  
章云先慎乎德總是此一敬字

道學也是以道為學道盛德至善是道極其盛而德止於至善道得衆則得國是衆矩之道得衆心道善則得之是衆矩之道止至善總與前後諸道字相印證再玩君子之道聖人之道天地之道及而道自道也君子尊德性而道問學道千乘之國君子所貴乎道者三夫子自道也此自道二字正應道者二字無道桓文之事者亦說不行桓文之事耳即今奉聖旨某部知道亦說知而行之耳豈謂知而言之哉獨恠世人不察道是行也通解道作言失當日立道字之

意耳敢細及以正諸高明

學道須斷然不惑而日進於精微故貼如切如磋自修須很力下手而日求其細潤故貼如琢如磨心體本恂慄須嚴密武毅而常惺惺故貼瑟兮憺兮威儀本心體之發越常惺惺而無愧怍自宜著盛大而不可掩故貼赫兮喧兮一字字不苟下

大學之道在明明德親民止至善道學自修恂慄威儀於道為極感於明明德為止至善故云道盛德至

吾  
本道盛德至善來故首云君子賢其賢而有其德者  
重訂四書集注卷之一

必能世守其業故緊接親其親道盛德至善者其規為制度必極其詳當小人得世享其太平而且世蒙其福澤故云小人樂其樂而利其利語語字字接續有分曉

子曰聽訟吾猶人也章

聖經說物有本末知所先後又說壹是皆以脩身為本其本亂而未治者否矣總是教人知本意然却未因兩造之具備以辨是非曲直之何居初無難事無訟則使無情者不得盡其辭說於聽者之廷矣此何

以故唯君子秉至公至明於其上不獨畏其外而且以有以畏其志不獨畏其志而且以有以大畏之故訟不待聽而自無也觀此一節家國天下必有人感動之機齊治均平必有發軔之地聖經所謂物有本末而教人知所先後以端其本者正此之謂也此不當粘着訟上說但看無訟之由證說聖經知本之意見得入大學者斷以修身為本不可不知所先耳

到大畏民志處全由格致誠正修身來知得此是本原而知所先家國天下自不煩而理矣故下緊接云此謂知本此謂知之至也

重訂四書集注卷之一

主

程子謂上句為衍文朱子謂下句之上別有關文取程子之意補格致之義愚曰此非衍文也亦無關文也聖賢立言要在於明理理既明即轉一字一語意自豁如不煩瑣周折若後世儒者之文如此二句原綴在上文此謂知本下上此謂知本句是證前物有本末知所先後句聖賢只緣認得物有本末之物致知格物之物總是一個物故於上文此謂知本下即轉一語云此謂知本此謂知之至也蓋家國天下皆本於身齊治均平皆本此身而出致知在格物不過



要格得此个分曉耳今既知本之所在則必誠其意必正其心必修其身以端儀刑之本而齊家治國平天下一以貫之矣格物致知之功更孰有加於是故說此謂知之至也若不知此个本即徧外物而悉周知之亦只是聞見之知何可言知之至愚故曰此謂知本句非衍文也此謂知之至也上無關文也敢僭論以質之高明

所謂誠其意者章

誠意是聖學極緊要關頭故首提誠意句緊接毋自欺也一句此自欺二字最喚醒人格物致知此心已

重訂四書疑問卷之一

西

自明徹了只在自去實用其力知之而不實用其力不是欺人分明是自欺了所以當先禁止其自欺必如惡惡臭好好色一般如此其極真實方能到自謙地位然此个自欺此个自謙人誰知之已所獨知處最分曉於此不加檢點關防苟且徇外為人之念便萌於中從此做去無非欺已欺人之事故君子必慎其獨檢點關防常在一念初發已所獨知之地不待形著而後致其慎也小人閒居一節不是重以小人為戒君子閒然自修豈懲創於小人而後慎此說小人閒居為不善正本其一念自欺來自欺則所為皆

非故說个無所不至然良心有不終昧者一見君子不勝其厭然之狀却終不可欺人則何益之有即此看來誠於中自必形於外緊要只在獨之一字於此獨不致其慎後雖欲加修飾有不可得者故君子檢點關防不在形著之顯必於獨焉深致其慎也曾子節正證誠中形外之必然以見獨之當慎意獨之既慎徹頭徹尾皆是實落工夫便是明明德故說德潤身心廣體胖此獨不慎則偽焉而已不得謂之有德矣故君子必誠其意誠見此誠意工夫於明明德之事最為緊要不不可不實用其力也首提所謂誠其意

重訂四書疑問卷之一

主

者一句喚醒了人中兩出故君子必慎其獨也句教人狠下手末收故君子必誠其意一句打緊在人身上去令其必不輕放過此三必字是三鐵鞭真喫緊痛懇之極者當三復深思

毋自欺也四字正釋誠其意三字如惡惡臭如好好色緊按毋自欺來若曰毋自欺也如惡惡臭之真如好好色之真此之謂自謙而意誠

意不誠病根只在自欺上故下个毋字此毋字最喫緊如惡惡臭如好好色這方無一毫之自欺這方是自謙而意誠即此看來一自欺即不誠毋自欺也即